

(123)

30-12-2016

Bosna i Hercegovina
Federacija Bosne i Hercegovine
KANTON SARAJEVO
**Ministarstvo komunalne
privrede i infrastrukture**



Bosnia and Herzegovina
Federation of Bosnia and Herzegovina
CANTON SARAJEVO
**Ministry of Communal Economy and
Infrastructure**

Broj:27-05-33506/16
Sarajevo, 26.12.2016. godine

KANTON SARAJEVO
Predsjedavajuća Skupštine Kantona Sarajevo
- O v d j e -

PREDMET: Odgovor u vezi zastupničkog pitanja i inicijative zastupnice Neire Dizdarević – dostavlja se

Zastupnica Neira Dizdarević je na 23. Radnoj sjednici Skupštine Kantona Sarajevo, održanoj dana 05.12.2016.godine, u okviru tačke dnevnog reda "Zastupnička pitanja, inicijative i odgovori" postavila je zastupničko pitanje:

Poslaničko pitanje:

"Upućujem pitanje Ministarstvu privrede Kantona Sarajevo – molim da mi se dostavi informacija vezano za inicijativu koju sam u dva navrata pokretala prošle godine, a odnosi se na rješavanje problema sa kojima se susreće preduzeće BAGS – ENERGOTEHNIKA d.d. Vogošća, a koje isporučuje toplotnu energiju najvećem dijelu stanovništva i privrednih subjekata u urbanom dijelu Vogošće.

Radi se o preduzeću u većinskom vlasništvu (66,6%) Vlade Kantona Sarajevo, koje se susreće sa brojnim problemima u poslovanju, uslijed kojih se svake godine dovodi u pitanje mogućnost finansiranja isporuke toplotne energije za vrijeme grejne sezone. Bilo je određenih naznaka da će Vlada Kantona Sarajevo pokrenuti konkretne korake za rješavanje statusa ovog preduzeća i pitanja Peračkog vrela, pa molim resorno ministarstvo da mi dostavi informaciju o tome šta se konkretno uradilo po ovom pitanju u proteklom period"

Odgovor na poslaničko pitanje:

Kako je poslaničko pitanje bilo upućeno Ministarstvu privrede, pomenuto Ministarstvo je zastupničko pitanje proslijedilo ovom ministarstvu, obzirom da je Odlukom Vlade Kantona Sarajevo broj:02-05-25821-11/15 od 15.10.2015. godine, koja je objavljena u "Službeni novinama Kantona Sarajervo" broj:41/15 privredno društvo Bags Energotehnika d.d. Vogošća prešlo u nadležnost Ministarstva komunalne privrede i infrastrukture.

Shodno navedeno u ovom odgovoru navest ćemo aktivnosti koje su vođene od momenta kada je isto prešlo u nadležnost ovoga ministarstva.

Nakon prelaska preduzeća Bags – Energotehnika, d.d. Vogošća u ovo ministarstvu održana je Skupština preduzeća na kojoj se razmatrala prijedlog Odluke o reorganizaciji preduzeća, koja nije usvojena iz razloga što se nisu stekli uslovi za donošenje takve odluke, pogotovo kad je ista imala za posljedicu da se postojeće preduzeće pripoji KJKP "Toplane Sarajevo" d.o.o. Sarajevo i KJKP "Vodovod i kanalizacija" d.o.o. Sarajevo.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax:+ 387 (0) 33 562-177
Sarajevo, Reisa Džemaludina Čauševića 1



Obzirom da osnivački kapital se sastoji od 67% vlasništva Kantona Sarajevo i 33 % vlasništva ostalih dioničara, smatralo se da donošenje ove Odluke u ovom momentu je preuranjeno i ne bi bilo ispravno, jer se postavljalo pitanje njezine provodivosti.

Nakon održane Skupštine navedenog preduzeće ovo ministarstvo je pokrenulo niz aktivnosti da se stanje u ovom preduzeću popravi kako bi se omogućilo da preduzeće grejnu sezonu 2015/2016. provede na način da nesmetano vrši isporuku toplotne energije prema građanima Općine Vogošće.

Tako je u novembru 2016. godine ovo ministarstvo doznačilo sredstva Bags – Energotehnika, d.d. Vogošća u visini od 240.000,00 KM na ime nabavke tekućeg goriva, koje se koristi u procesu proizvodnje i distribucije toplotne energije za objekte kolektivnog stanovanja u Općini Vogošća, dok je u decembru, za istu namjenu doznačilo 418.000,00 KM.

Na osnovu gore obezbijedjenih sredstava preduzeće Bags – Energotehnici d.d. Vogošća je uspješno završila sezonu grijanja 2015/2016, odnosno navedenim sredstvima su izmirene obaveze stvorene za isporuku tekućih goriva za navedenu sezonu.

Ističemo da najveći problem ovoga preduzeća je u dugovima koji trenutno iznose 6.230.980,00 KM, koje preduzeće Bags – Energotehnici d.d. Vogošća iz ranijeg perioda ima po osnovu direktnih i indirektnih poreza, te obaveze prema dobavljačima i po tužbama radnika.

Napominjemo da postoje i dva sudska spora po Tužbama Ministarstva privrede Kantona Sarajevo iz 2014. i 2016. godine i to na iznose od 6.962.164,50 KM i 7.158.520,50 KM.

Preduzeće je potpisalo nekoliko Ugovora o reprogramu za dugovanja iz ranijih perioda i uglavnom uspijeva servisirati iste. Ističemo da je preduzeće uspjelo uplatiti doprinose radnika retroaktivno do 01.01.2016. godine, tako da preduzeće ne stvara nove obaveze prema Poreskoj upravi.

U prijedlogu Budžeta za 2017. godinu ovo ministarstvo je planiralo sredstva u iznosu od 200.000,00 KM namijenjenih za sufinansiranje nabavke energenta za grejnu sezonu.

U periodu od prelaska navedenog preduzeća u ovo ministarstvo došlo je do određenih promjena i u organima preduzeća, odnosno imenovan je Novi Nadzorni odbor u sastavu Alaga Mujčić, predsjednik, Fetah Kadrić, član i Mirnes Turbo, član.

Također je imenovan i novi direktor preduzeća g- din Nihad Konaković, čijim se dolaskom osjetilo određeno poboljšanja u pogledu funkcionalnosti preduzeća, ali je i dalje ostalo neriješeno glavno pitanja, a to je velika dugovanja koje ovo preduzeće ima prema povjeriocima.

Kada je u pitanju osnovni kapital preduzeća u periodu od 01.01.2002. godine do 31.12.2015. godine, utvrđen je akumulirani gubitak preduzeća u iznosu od 12.444.576 KM.

Na Skupštini preduzeća Bags Energotehnike d.d. Vogošća održanoj dana 07.04.2016. godine razmatran je Izvještaj o poslovanju preduzeća, te na istoj je iskazani gubitak pokriven dijelom na teret fonda rezervi u visini od 289.186,00 KM, a dijelom na teret osnovnog kapitala u iznosu od 12.444.576,00 KM, čime je osnovni kapital preduzeća smanjen na 3.595.770,00 KM, uslijed čega je nominalna vrijednost dionice u preduzeću smanjena sa 10 KM na 2,28. KM.

Kada je u pitanju Peračko vrelo, vrši se trenutna isporuka vode u prosjeku 60-80 l/s po ranije utvrđenoj cijeni od 0,25KM po m³, KJKP "Vodovod i kanalizacija" d.o.o. Sarajevo ali sa određenim ulaganjima u iznosi od



web: <http://mki.ks.gov.ba>

e-mail: mki@mki.ks.gov.ba

Tel: + 387 (0) 33 562-086, Fax: + 387 (0) 33 562-177

Sarajevo, Reisa Džemaludina Čauševića 1




cca 100.000,00 KM kapaciteti vrela bi se povećali na 120 l/s, pa i više. Navedena ulaganja bi se odnosila na kaptažu vrela i uređenje distributivnog dijela.

Preduzeće Bags – Energotehnika d.d. Vogošća je u programu rada preduzeća za 2017. godinu planiralo navedene aktivnosti na Peračkom vrelu, ukoliko se budu obezbijedila potrebna finansijska sredstva.

U cilju rješavanja problema koji postoje u preduzeću Bags – Energotehnici d.d. Vogošća ovo ministarstvo je pokrenulo aktivnosti koje se odnose na rješavanje pitanja kapitala društva, odnosno planira se izvršiti kupovina manjinskog dijela kapitala koji iznosi 33%, kako bi se moglo raditi na reorganizaciji preduzeća, koja može imati za posljedicu uspostavljanje rada i funkcionalnosti preduzeća na zdravim osnovama sa kojim preduzeće raspolaže, a to je prvenstveno distribucija i isporuka vode ili da se isto pripoji KJKP "Toplane Sarajevo" d.o.o. Sarajevo i KJKP "Vodovod i kanalizacija" d.o.o. Sarajevo. U oba slučaja neophodno je da Kanton Sarajevo bude 100% vlasnik osnovnog kapitala, kako bi nesmetano mogao raspolagati sa postojećom imovinom Bags- Energotehnike d.d. Vogošća.

Posljednja aktivnost koja je preduzeta od strane ovog ministarstva je ta da smo zatražili od Ministarstva finansija da nam dostave dva člana za radnu grupu koja će sa aspekta stručnosti predložiti stvarnu cijenu vrijednosti dionica, a koja će se ponuditi manjinskim dioničarima i koja će biti osnov za pregovaranje kupovine dionica koje nisu u vlasništvu Kantona Sarajevo.



Dostaviti:

1. Naslovu
2. Evidencija
3. A/a



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1

